

ATS SARDÌNNIA - COMUNICAZIONIS DATUS DE ADELANTAMENTU ACONTÈSSIU PANDEMIA DE COVID-19



A dolu mannu, castiendi is datus ufizialis chi s'ant donau oi de sa ATS, in custa segunda undada de apestamentu, bessit aforas chi funt artziaus a 27 is tzitadinus de Maracalagonis impestaus de su Covid-19, de custus unu est arricoverau in s'ispidali e 26 funt in isulamentu a domu insoru. Po sorti bona in cussa missada e totu bideus chi un'atru tzitadinu imoi at sanau.

Mi impellit a sinnalai chi dònna dii, atruessu de is ufizius comunalis, cussa chi est scriendi sollitizat a s'ATS po arriciri is comncatzionis sempri prus a

lestru e adelantadas, poita medas cuntzitudinus cosa nosta mi ant scoviau de èssiri bessius positivus a su Covid-19, e in autonomia cosa insoru e cun conca, ant scedau de si isolai, ma no ddoi funt ancora aintru de s'elencu de is datus ufizialis.

In prus, sempri castiendi s'elencu ufiziali, ddoi funt in mesu a is positivus puru unus tzitadinu chi intamis, cun una missada cosa insoru (poita ant fatu su tamponi e ant arricriu s'arresultau negativu) imoi si funt sanaus.

Intzaras apu pediu chi mi benessint donaus is nùmerus telefònicus de is sugetus chi no connòsciu de persona, cun sa tarea de ddus podi tzerriai e de mi assegurai de is cundizionis de saludi cosa insoru. Est unu dèpiri pretzisu de is istituzionis a sciri totu apitzus de sa biatzesa de is tzitadinus cun strobis e donai agiudu, casumai fessant a solus, ma puru po fairi sciri maneras e tempus de sa corantena, po assegurai sa saludi de totus.

A is tzitadinus chi no funt stètius tzerrius de sa ATS o chi tenessint s'apretu de mi nai calisiat atru abisòngiu insoru, pidu sa gentilesa de mi tzerriai o a mi scriri a su nùmeru miu personali: [3931946813](tel:3931946813). Impari podeus agiudai po sighir mellus su caminu de is apestamentus.

Torru a cunsillai de ponni menti a totus is arrègulas: a si sciacuai o gienizai sempri is manus, a si no tocai ogus, nasu e buca si no cun is manus disinfetadas, a tussiri o sturridai aintru de su bratzu o mellus imperendi unu mucadori de paperi tupendi su nasu e sa buca, straviai de s'impresai o de stringi is manus, pompiai is stesiaduras sotzialis de a su mancu unu metru, ponni sempri sa mascaredda, a s'inforas puru. Su sentidu de responsabilidadi de donniunu de nosatrus est de fundòriu mannu po totu sa comunidadi, po sighiri a castiai a innantis totus impari.

Sa Sìndiga
Francesca Fadda